

Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 400  
fax. +387 33 726 423  
e-mail: [info@voda.ba](mailto:info@voda.ba)

Broj: **UP-1/21-3-40-504-10/23**  
Datum: **21.03.2024. god**

«Agencija za vodno područje rijeke Save» Sarajevo, rješavajući po zahtjevu Korisnika, «MEPROMEX» d.o.o. Tešanj za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta i ispuštanje onečišćenih otpadnih voda sa lokaliteta kompleksa objekta - Klaonica sa preradom mesa, depo za privremeni smještaj stoke i prostor za skladištenje kože u naselju Matuzići, općina Doboj Jug, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

### **RJEŠENJE** **o vodnoj dozvoli**

1. Pravnom licu, «MEPROMEX» d.o.o. Tešanj daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta i ispuštanje onečišćenih otpadnih voda sa lokaliteta kompleksa objekta - Klaonica sa preradom mesa, depo za privremeni smještaj stoke i prostor za skladištenje kože izgrađenog u naselju Matuzići na zemljištu označenom kao k.č. broj: 629/1 K.O. Matuzići, općina Doboj Jug.
2. Vodna dozvola se daje na osnovu dostavljene dokumentacije, utvrđenog činjeničnog stanja, dostavljenog detaljnog dinamičkog plana i uz sljedeće uslove:
  - 2.1. Da se upotreba i korištenje predmetnog kompleksa objekata vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
  - 2.2. Da se, u skladu sa dostavljenim dinamičkim planom, ovjerenim i potpisanim od strane odgovornog lica podnosioca zahtjeva, a koji je sastavni dio ovog Rješenja, do 30.06.2026. godine završe radovi na izgradnji sistema za prihvata, odvodnju i tretman onečišćenih voda sa platoa oko objekta klaonice a sve prema investiciono-tehničkoj dokumentaciji urađenoj od strane «IBIS» d.o.o. Zavidovići (broj: 42-IB-G/20, juli 2020. godine).
  - 2.3. Da se u periodu do 31.08.2024. godine završe aktivnosti vezane za uređenje objekta klaonice (uređenje podnih površina, ugradnja pomične pregrade za odvajanje čistog od nečistog dijela kompleksa, nabavka alginskog preparata i lešnih prskalica za alginski preparat).
  - 2.4. Da se u periodu do 31.12.2024. godine završe aktivnosti na izgradnji hidrantske mreže.
  - 2.5. Da se u periodu do 30.06.2025. godine završe radovi na odvodnji vanjskih površina kompleksa što podrazumijeva zemljane radove za polaganje cjevovoda i slivnih rešetki, nasipanje pijeskom sa zatrpavanjem materijalom iz iskopa, betonske radove za izradu revizionih okana te polaganje/montaža cjevovoda i slivnih rešetki te povezivanje sa postojećim sistemom kanalizacije.
  - 2.6. Da se do 31.12.2024. godine izvrši nabavka i ugradnja separatora ulja i masti.
  - 2.7. Da se do 30.06.2026. godine izvrši ugradnja dezinfekcione barijere za kamione i završe radovi na asfaltiranju kompletnog prostora oko objekta.
  - 2.8. Da korisnik predmetnog kompleksa, za vrijeme trajanja ove dozvole, a nakon završetka radova predviđenih projektnom dokumentacijom, obezbjeđuje da se onečišćene otpadne vode sa radnog platoa, platoa za pranje vozila i manipulativnih površina nesmetano sakupljaju i odvede do objekta predviđenog za tretman (separator masti i ulja), a zatim ovako tretirane vode ispuštaju u mjesnu kanizacionu mrežu a potom u rijeku Usoru.
  - 2.9. U skladu sa članom 26.a Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24) nosilac prava iz ove vodne dozvole dužan je izvještavati nadležnu Agenciju i Federalno ministarstvo okoliša i turizma o realizaciji planiranih aktivnosti u zadatim rokovima iz

- detaljnog dinamičkog plana, prvi put najkasnije do 31.12.2024. godine a drugi put najkasnije do 30.06.2025. godine na obrascu iz Priloga B navedene Uredbe.
- 2.10. Objekte, kako postojeće, tako i one koji će se, nakon realizacije predviđenih radova, koristiti u svrhu prikupljanja, odvodnje i tretmana tehnoloških i ostalih otpadnih voda nastalih na lokalitetu kompleksa (slivnici i linijske slivne rešetke, septička jama, separator ulja i masti, kompletna kanalizaciona mreža...) potrebno je održavati i koristiti na takav način koji će obezbijediti njihovu potpunu ispravnost i funkcionalnost. O načinu i vremenu radova održavanja neophodno je voditi službeni evidenciju i arhivu.
- 2.11. Da se usvojenim tehničkim rješenjem iz dostavljene projektne dokumentacije i realizovanim radovima poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent, zadovolje granične vrijednosti emisija otpadnih voda utvrđene u Prilogu 8. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 01/24).
- 2.12. U toku izvođenja radova na predmetnom lokalitetu neophodno je osigurati stručni nadzor nad izvođenjem istih te poduzeti sve potrebne mjere zaštite da predmetnim aktivnostima ne dođe do nastanka štete ili nepovoljnih posljedica po vode i vodni režim kao i postojeće korisnike voda.
- 2.13. Građevinski materijal i ostali otpad nastao tokom izvođenja radova kao i klaonički otpad nastao u postupku prerade mesa, istaložena so nastala u postupku skladištenja sirove kože, talog iz sabirne jame te ostali opasni i neopasni otpad se ne smiju ni privremeno odlagati na česticu «vodno dobro», odnosno u vodotok i na njegove obale.
- 2.14. Čišćenje i održavanje separatora ulja (nakon izgradnje) te skladištenje i zbrinjavanje opasnog otpada može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu mulja/taloga iz separatora ulja kao i preuzimanje drugog opasnog otpada.
- 2.15. Sadržaj (mulj) iz separatora ulja, otpad nastao u postupku prerade mesa kao i ostali opasni i neopasni otpad, se ne smiju ni privremeno odlagati na česticu «vodno dobro», odnosno u vodotok i na njegove obale.
- 2.16. Čišćenje i održavanje septičke jame te skladištenje i konačno zbrinjavanje taloga iz iste može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu taloga iz septičke jame kao i preuzimanje animalnog i ostalog otpada.
- 2.17. Praktikovati suho čišćenje podova objekta klaonice sa preradom mesa, prostora za skladištenje kože prije pranja vodom kako bi se što više uklonile organske i druge nečistoće sa radnih površina, trošilo manje vode za pranje te smanjilo zagađenje voda.
- 2.18. Da se krv nastala u prostorijama objekta klaonice i prerade mesa skladišti u posebnom spremniku do konačnog zbrinjavanja. Trajnu dispoziciju riješiti prema uputama i u saradnji sa nadležnom veterinarskom inspekcijom.
- 2.19. Da se u skladu sa propisima iz oblasti zaštite okoliša, vrši bezbjedno i redovno skupljanje čvrstog opasnog i neopasnog otpada sa kompletnog kruga objekta, isti propisno skladišti do njegovog konačnog zbrinjavanja od strane ovlaštene organizacije.
- 2.20. Da se animalni/klaonički otpad koji nastaje u procesu klanja i obrade mesa redovno odstranjuje iz proizvodnog procesa, odlaže u kontejnere propisane za tu vrstu otpada i u saradnji sa ovlaštenom institucijom odvozi i zbrinjava u skladu sa važećim propisima a prema ugovoru sklopljenom sa istom.
- 2.21. Da se odlaganje i čuvanje sirovih koža vrši u betonskim nepropusnim bazenima u prostoriji sa ugrađenim podnim slivnikom za prihvatanje i odvodnju otpadnih voda nastalih povremenim pranjem poda te prostorije.
- 2.22. Da se đubrivo i osoka nastali u depou za privremeni smještaj stoke, redovno sakupljaju u odgovarajućoj natkrivenoj vodonepropusnoj sabirnoj/đubrišnoj jami, koja će se periodično prazniti u svrhu đubrenja poljoprivrednog zemljišta.
- 2.23. Da se spriječi nekontrolisano rasipanje tečnog i krutog otpada po okolnom zemljištu te da se aplikacija đubriva na poljoprivredne površine vrši u skladu sa pravilima dobre poljoprivredne prakse i van područja vodnog dobra i zona sanitarne zaštite izvorišta vode za piće, a u cilju zaštite površinskih i podzemnih voda.

- 2.24. Nakon okončanja svih radova obuhvaćenih projektnom dokumentacijom i dinamičkim planom, Investitor je u obavezi da uradi Projekat izvedenog stanja kompletnog sistema za prikupljanje, tretman tehnoloških i ostalih otpadnih voda te ispuštanje prečišćenih voda u recipijent i isti priloži prilikom podnošenja zahtjeva za izdavanje nove vodne dozvole.
- 2.25. Vlasnik odnosno korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring na mjestu ispusta u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 01/24). Rezultate analiza dostaviti ovoj Agenciji.
- 2.26. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/3, 26/14, 15/17, 23/17 i 41/20).
- 2.27. Vlasnik odnosno korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, vlasnik odnosno korisnik objekta je dužan provoditi sve mjere i aktivnosti propisane istom.
5. U slučaju vanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, vlasnik odnosno korisnik predmetnog kompleksa objekata obavezan je izvijestiti nadležne organe i izvršiti vanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom kompleksu i radnom prostoru obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne takse.
10. Ova vodna dozvola, shodno članu 26. stav 1. Uredbe o uslovima ispuštanja otpadnih voda u okoliš i sisteme javne kanalizacije se daje sa rokom važenja 30.06.2026. godine, uz uslov da se aktivnosti obuhvaćene tačkom 2. dispozitiva rješenja u cjelosti poštuju.
11. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

## Obrazloženje

Pravno lice, «MEPROMEX» d.o.o. Tešanj, podnijelo je ovoj Agenciji dana 14.11.2023. godine zahtjev za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta i ispuštanje onečišćenih otpadnih voda sa lokaliteta kompleksa objekta - Klaonica sa preradom mesa, depo za privremeni smještaj stoke i prostor za skladištenje kože izgrađenog u naselju Matuzići na zemljištu označenom kao k.č. broj: 629/1 K.O. Matuzići, općina Doboj Jug.

Uz zahtjev nije dostavljena dokumentacija koja je propisana članom 12. stav (3) i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22) te je dopisom broj: UP-1/21-3-40-504-2/23 od 24.11.2023. zatraženo od podnosioca zahtjeva da istu dopuni što je i urađeno u ostavljenom roku.

U provedenom postupku dostavljena je i pregledana sljedeća dokumentacija:

- Kopija Rješenja o izmjenama podataka u sudski registar broj: 043-0-Reg-22-000733 izdatog dana 13.07.2022. godine od strane Općinskog suda u Zenici,
- Ovjerena kopija Uvjerjenja o registraciji obveznika poreza na dodanu vrijednost broj: 04/5-1/II-17-1-1735-7648/05 izdatog dana 23.11.2005. godine od strane Uprave za indirektno-neizravno oporezivanje Banja Luka,
- Kopija Rješenja o vodnoj dozvoli broj: UP-1/25-3-40-086-7/20 izdatog dana 12.10.2020. godine od strane «Agencije za vodno područje rijeke Save» Sarajevo,
- Kopija Rješenja o ispunjavanju propisanih veterinarsko-zdravstvenih uslova broj: 05-20-11093-2/23 izdatog dana 01.12.2023. godine od strane Ministarstva za poljoprivredu, šumarstvo i vodoprivredu Zeničko-dobojskog kantona,
- Kopija Rješenja o upotrebi građevine broj: 12-23-8539/12 od 25.01.2013. godine izdatog od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona (rješenje izdato za Avdić (Husein) Nijaza),
- Kopija Rješenja o okolinskoj dozvoli broj: 12-23-305/11 od 01.10.2018. godine izdatog od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Ugovora o odvozu otpada animalnog porijekla zaključen dana 15.12.2022. godine između «MEPROMEX» d.o.o. Tešanj i KP «Progres» a.d. Doboj (prilog - račun broj: 1068/2023 od 31.01.2023. godine; radni nalog broj: 018511 od 02.06.2023. godine),
- Kopija Ugovora o izvođenju radova na čišćenju septičke jame zaključen dana 17.01.2023. godine između «MEPROMEX» d.o.o. Tešanj i «DELTA PETROL» d.o.o. Kakanj,
- Kopija Izvještaja broj: 790/23 o monitoringu kvaliteta i kvantiteta otpadnih voda objekta Klaonice «MEPROMEX» d.o.o. Tešanj urađen od strane «Inspekt-RGH» d.o.o. Sarajevo, maj 2023. godine,
- Glavni projekat – vanjske hidroinstalacije, Klaonica sa pogonom za preradu mesa, depo za privremeni smještaj stoke i prostor za skladištenje kože vl Avdić Nijaz u naselju Matuzići, općina Doboj jug urađen od strane «IBIS» d.o.o. Zavidovići (broj: 42-IB-G/20, juli 2020. godine),
- Ovjeren Detaljan Dinamički plan sa aktivnostima, finansijskom procjenom i rokovima realizacije za 2024., 2025. i 2026. godinu za izgradnju i puštanje u rad sistema za prikupljanje, tretman i ispuštanje tehnoloških otpadnih voda (dopis broj: 74/24 od 19.03.2024. godine),
- Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev uz naknadnu dopunu podneska dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata izvršen je obilazak predmetnog kompleksa objekata u naselju Matuzići, općina Doboj Jug i tom prilikom je sačinjen Zapisnik o uviđaju broj: UP-1/21-3-40-504-5/23 od 01.02.2024. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Predmetni kompleks objekata izgrađen je u naselju Matuzići na parceli označenoj kao k.č. broj: 629/1 K.O. Matuzići, općina Doboj Jug. Unutar kompleksa smješteni su sljedeći objekti: klaonica za preradu mesa, hladnjača, depo za privremeni smještaj stoke, prostor za skladištenje kože, prostor za smještaj stajskog đubriva, saobraćajne površine, dvokomorna septička jama. Godišnja proizvodnja odnosno broj obrađenih grla je 70-90 grla krupne stoke i 70-90 grla sitne stoke. Snabdijevanje pitkom vodom za tehnološke i potrebe uposlenih je obezbijeđeno priključkom na gradski vodovodni sistem dok se prikupljene sanitarno-fekalne vode iz sanitarnog bloka za uposlene ispuštaju u septičku jamu bez preliva. Od strane nadležnog Ministarstva PŠV Zeničko dobojskog kantona izdat je dana 22.04.2011. godine Zaključak o odbacivanju zahtjeva za vodnim aktom broj: 12-23-305/11.

Tehnološke otpadne vode iz klaonice, objekta za privremeno skladištenje usoljene kože i iz štale za boravak životinja prije klanja prikupljaju se sistemom slivnika i odvođe u septičku jamu koja se povremeno čisti od strane «DELTA PETROL» d.o.o. Kakanj prema ugovoru.

Stajsko đubrivo nastalo u depou za privremeni smještaj stoke se redovno sakuplja i odlaže u betonsko odlagalište đubriva izgrađeno neposredno uz objekat. Đubrivo se periodično odvozi na poljoprivredne površine. Krv nastala u procesu iskrvavljenja se prikuplja u plastičnu cisternu koja se čuva hermetički zatvorena do konačnog zbrinjavanja.

Mesni konfiskat nastao u postupku klanja i obrade mesa se prikuplja i privremeno odlaže u pokriveni metalni kontejner do odvoza i zbrinjavanja od strane KP «Progres» a.d. Doboj prema ugovoru. Koža se posoljena skladišti u betonskim bazenima do predaje trećim licima.

Prilazne i manipulativne površine oko objekta klaonice sa platom za pranje vozila nisu uređene niti je riješen sistem prikupljanja onečišćenih voda sa istih.

Prema dostavljenom Izvještaju o monitoringu kvaliteta i kvantiteta otpadnih voda, maj 2023. godine (uzorak uzet na oknu predviđenom za prihvrat oborinskih voda sa platoa prije ispusta u mjesni odvod) nije evidentirano prekoračenje MDK propisanih Uredbom tj. izmjereni parametri zadovoljavaju granične vrijednosti koncentracija opasnih i štetnih tvari.

Prema projektnoj dokumentaciji urađenoj od strane «IBIS» d.o.o. Zavidovići, juli 2020. godine, predviđeno je potpuno uređenje platoa oko objekta klaonice sa izgradnjom zasebnog kanizacionog sistema za prikupljanje i odvodnju nastalih onečišćenih otpadnih voda. Prikupljene otpadne vode sa dezinfekcione barijere, platoa za pranje vozila i radnog platoa bi se se zajedno sa oborinskim vodama preko sabirnog okna odvele na tretman u separator ulja i masti. Nakon tretmana, prečišćene vode bi se preko okna za monitoring ispuštale u mjesni odvod sa krajnjim ispustom u rijeku Usoru (do sticanja uslova za priključenje na gradsku kanizacionu mrežu).

Za predmetni kompleks je u ranijem postupku, dana 12.10.2020. godine, od strane ove Agencije doneseno Rješenje o vodnoj dozvoli broj: UP-I/25-3-40-086-7/20 sa rokom važenja do 19.12.2023. godine. Navedeno Rješenje o vodnoj dozvoli izdato je u skladu sa članom 13. stav (5) Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 101/15, 1/16 i 101/18) uz uslov da se realizuju aktivnosti iz dinamičkog plana obuhvaćene tačkom 2.2. dizpozitiva navedenog rješenja.

Prilikom uviđaja na terenu utvrđeno je da aktivnosti i rokovi navedeni u dinamičkom planu a odnose na izvođenje radova po Glavnom projektu – vanjske hidroinstalacije, Klaonica sa pogonom za preradu mesa, depo za privremeni smještaj stoke i prostor za skladištenje kože u naselju Matuzići, općina Doboj jug urađen od strane «IBIS» d.o.o. Zavidovići (broj: 42-IB-G/20, juli 2020. godine), a koji su dati kroz uslove Rješenja, nisu ispunjeni.

Od ponosioca zahtjeva je u skladu sa članom 1. stav (1), (3) i (4) Uredbe o izmjenama i dopunama Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20, 96/20 i 1/24) dopisom broj: UP-1/21-3-40-529-6/23 od 12.02.2024. godine zatraženo da dostavi detaljan dinamički plan koji treba da sadrži:

- Spisak aktivnosti i mjera sa finansijskom procjenom za ulaganje, zadanim rokovima realizacije svake pojedine aktivnosti i konačnim rokom za završetak aktivnosti na izgradnji i puštanju u rad sistema za prikupljanje, tretman i ispuštanje onečišćenih otpadnih voda na obrascu iz Priloga A ove Uredbe, razrađen po godinama i mjesecima sa konačnim rokom realizacije najkasnije do roka 30.06.2026. godine.

Dana 21.03.2024. godine dostavljen je akt broj: 74/74 od 19.03.2024. godine sa prilogom dinamičkog plana na obrascu iz Priloga A Uredbe.

U dinamičkom planu su navedene aktivnosti i rokovi sa finansijskom procjenom za ulaganje na izgradnji i puštanju u rad sistema za prikupljanje, tretman i ispuštanje onečišćenih otpadnih voda na lokaciji kompleksa Klaonice za period od marta 2024. do juna 2026. godine. Aktivnosti i rokovi iz dinamičkog plana su propisani u dispozitivu ovog Rješenja.

Na osnovu uvida u dostavljeni dinamički plan utvrđeno je sljedeće:

- Krajnji rok za realizaciju radova predviđenih dostavljenom projektnom dokumentacijom (Glavni projekat - vanjske hidroinstalacije, Klaonica sa pogonom za preradu mesa, depo za privremeni smještaj stoke i prostor za skladištenje kože u naselju Matuzići, općina Doboju jug urađen od strane «IBIS» d.o.o. Zavidovići, broj: 42-IB-G/20, juli 2020. godine je 30.06.2026. godine.
- Rokovi za realizaciju pojedinih aktivnosti iz dostavljenog dinamičkog plana koji je sastavni dio ovog rješenja su navedeni u tački 2.2. do 2.7. dispozitiva.

Na osnovu dostavljene dokumentacije, uviđa se izvršenog na predmetnoj lokaciji i dostavljenog dinamičkog plana, u svrhu smanjenja negativnih uticaja predmetnog kompleksa i aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja kompleksa objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama člana 3. tačka s) i člana 15. Uredbe o uslovima ispuštanja otpadnih voda u okoliš i sisteme javne kanalizacije. Tačka 3. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva/korisnik kompleksa «MEPROMEX» d.o.o. Tešanj ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta i ispuštanje onečišćenih otpadnih voda sa lokaliteta kompleksa objekta - Klaonica sa preradom mesa, depo za privremeni smještaj stoke i prostor za skladištenje kože izgrađenog u naselju Matuzići, općina Doboju Jug, te je riješeno kao u dispozitivu ovog Rješenja.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) korisniku predmetnog objekta utvrđene su obaveze u tački 5. dispozitiva ovog Rješenja.

Podnosilac zahtjeva uplatio je posebne troškove prema Zaključku ove Agencije broj: UP-1/21-3-40-504-4/23 od 22.12.2023. godine.


#### Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.ing.građ.

Po ovlaštenju  
Rukovodilac Sektora za izdavanje vodnih akata  
  
Hariš Ališehović, dipl.ing.građ.

Dostaviti:

- «MEPROMEX» d.o.o. Tešanj  
Lepenica bb, 74260 Tešanj
- AVP Sava, ISV - Vodna knjiga
- Sektor 50
- Sektor 40 - arhiva
- Oglasna ploča - AVP Sava